

Sveitarfélagið Múlaþing  
Bt. Sóleyjar Valdimarsdóttur  
Lyngási 12  
700 Egilsstaðir

Gunnarsholti, 9. febrúar 2023


### **Ósk um umsögn: Smávirkjun við Gestreiðarstaðaháls**

Landgræðslunni barst til umsagnar Smávirkjun við Gestreiðarstaðaháls. Landgræðslan hefur kynnt sér efnið og byggir umsögn stofnunarinnar á lögum um landgræðslu nr. 155/2018, einkum er lýtur að því að vernda, endurheimta og bæta þær auðlindir þjóðarinnar sem fólgnar eru í gróðri og jarðvegi og tryggja sjálfbæra nýtingu lands.

Landgræðslan bendir á að fyrirhuguð rafstöð, rafstrengur og ljósleiðari munu liggja í mýrarvistkerfum með hátt verndargildi samkvæmt Bernarsáttmálanum. Í því sambandi eru litlar einingar votlendis, eins og þær á áhrifasvæði virkjunarinnar á Gestreiðarhálsi, sérlega verðmætar og ætti að forðast að raska. Jafnframt nýtur votlendi sérstakrar verndar samkvæmt lögum um náttúruvernd. Þá er einnig rétt að benda á að áætlaður loftslagsávinningur af því að hætta notkun jarðefnaeldsneytis við rekstur fjarskiptastöðvarinnar verður að litlu hafður sé votlendi á svæðinu raskað.

Landgræðslan gerir ekki frekari athugasemdir við fyrirhugaða smávirkjun við Gestreiðarstaðaháls. Hins vegar er Landgræðslan reiðubúin til að veita frekari upplýsingar og ráðgjöf um þá þætti er að verksviði hennar snúa, um jarðvegs- og gróðurvernd, uppgræðslu, og sjálfbæra nýtingu lands sé þess óskað.

Virðingarfyllst,  
f. h. Landgræðslunnar,



Davíð Arnar Stefánsson